

Crac. Acad. Univ. Jagell.
Promotiones Philos. Orat.
1648 die 14 Octobr.



1183

kat.komp.

L. Mag. St. D.

P

24.

Rosini Simonis: Septem planetas appaerentes
III adolescentibus.

Biblioteka Jagiellońska



stdr0001092



S E P T E M
P L A N E T Æ
A P P L A V D E N T E S .

VII. Adolescentibus

S E V

Carmen Gratulatorium, quod VV. VII. Artium
& Philosophiæ Candidatis,

D V M

Ab Excellentissimo & Doctissimo Domino

M. S E B A S T I A N O
S T R Y I E W I C Z ,

Philosophiæ Doctore & Professore, Collega
Minore, Græcarum literarū Profess:

*In Augusto Iagellonica Domus DD. Theologorum Le-
ctorio, Primâ laureâ*

O R N A R E N T V R .

exhibuit

S I M O N R O S I N I *Eiusdem Laureæ Candidatus.*

Anno D. 1648. Mense Octob. Die 14.

Hora 14.

C R A C O V I Æ,
In Officina Stanislai Bertutowic.

In Stemma Illustrissima Domus
SKARSZEVIANÆ.



Tecta manipulorum vestra sunt tradita genti
Et bene: texere hæc nam bona tecta viros.
Ergo tegas alios SKARSZEWSKI mæste manipulos.
Isti si desunt; ecce manipulus Ego.

BIBLIOTHECA
VNIV. IAGELL.
GRACVIENSIS.

1183I

Ad Perillustrem & Admodum Rndum Dñum,
D. I O A N N E M
SK ARSZOWSKI
Canonicum Crac : &c. &c.

Proloquium.

Geminato luctu & merore, communi altero, domestico altero oppletum Te Perillustr. & Adm Rnde Dñe accedunt nihilominus nuper in calo Academico exorta sydera. Obscura quidcm illa: tum quia ab Umbratili & tenui depicta ingenio: tum quod in tantis doloris tui (vt ita dicam) tenebris, adiumq. & vestium tuarum atrato colore nihil deceat esse excellenter luminosum. Adeunt tamen & tuo aspectui fidenter se presentant: non vt suam iactent, sed vt tuam in tenebris demirentur lucem. Lucem inquam virtutis illius quæ reliquarum firma columna est Constantia. Quanta enim illa, inter hanc fatorum in Te sauentium asperitatem, quanta eminet? quàm Tuus infractus animus? Amisisti Regem Serenissimum communis Patriæ Patrem, Tuarum verò virtutum fere paterni affectus amatorem. Cuius iusta feralia, cum Tibi nondum in scenam abiissent, ereptum ecce ingemiscis fratrem desideratissimum, amore & pietate coniunctissimum, morum, pietatis, probitatis, affabilitatisq. exemplar singulare, ac deniq. Amplissimi Capituli Craconiensis ornamentum pulcherrimum. Quo quidem in passu, adeo luído maligna illa bonorum hostis fortuna Te intuita est oculo, vt cum in Maximo Rege beneficium Patrem Tibi rapuisset, in fratre partem Tui ereptam Tibi vellet. Ferox/vivis etiam non parcens Parca, parum Tibi mali à se censuit esse fa-

A 2

cessitum

Indignus
Tycho Gaton
Disruption
Musta/rim
not. Erator

cessitum, si Te publicis inuolueret lamentis, nisi domesticum quoque
funus, nimis ingratum auctarium confecerit. At confecerit sane:
animum certe Tuum in aduersa obfirmatum, inuictaque armatum
ratione minimè confecit. Viget ille inconcussus & tantis immotus
procellis, bonis proprijs sese consolatur: immò malignam ridet for-
tunam; quæ quot Tibi funera & cupressos ingessit tot victorias &
lauros maturauit. Cogitas nimirum Regem Serenissimum, qui tan-
tæ felicitatis causa huic Reipub. extitisset, non donum perpetuo vsui
addictum, sed diuinum fuisse depositum: quod si à nobis repetitum
est, grati pro commodato, non queruli esse debemus. De fratre verò
amisso expendis illud Francisci Patriarchæ. Si frater periit su-
perstes est gloria, virtus, anima: præter quas humana om-
nia pari morsturbine propellit, ac dissipat. Et illud eiusdem.
Non est solus cum quo virtus & honestas habitat: inter
quas affixam præcordijs fratris imaginem esse, nec mors
ipsa vetuerit. Hac igitur animi Tui constantia illeæti Planeta
mei Academici splendorem illius venerantur: quem si fauentem
expertifuerint, profectò qui Astronomis vagi sunt Tibi Perillustr.
& Adm. Rhæ Domine fixi, hoc est æternum deuoti futuri sunt.
Deum ergo interim oro, ut qui virtutum Tuarum lucem maxore
hoc quas in nube quadam obsessam esse voluerit, idem ille eandem bre-
ui, orbe pleno & sine nube fulgere efficiat.

Illustriss. & Reuerendiss. D.

Cliens & humillimus seruus

*Simon Rosini prime Laureæ
Candidatus.*



ODE
ALMÆ MATRI
ACADEMIAE DICATA.

Percussa fortigrandiue, iam suos
Proferre foetus destituit Ceres,
Nec Palma, nec Pomona suctum
Fulmineo male læsa nisu
Censum resoluit: quin sua, tetrico
Concussa morbo, membra patentibus
Commendat aruis, post & ipsa
Fulmineo veniente pulsu.
Cætu dolenti, Consocialium
Cretura nunquam concidit arborum,
Hanc Hortus, hanc Pomigementes
Hancq; dolere solent Cupressi.
At Tu Lecheæ lux Academia
Mater luventæ, sis licet obruta
Hinc inde centeno dolore, ac
Funeribus lacerata crebris.
Politioris tu tamen inrerim
Fœcunda prolis, Sydere dextero

Persistis, heu quantum decoram
 Nunc etiam generas Deorum
 Non poenitendis ominibus Tibi
 Lechoq; prolem. Cernis ut aurea
 Virtute proles & virenti
 Ingenio Genioq; crescit.
 Afferto buxos, trudito pectines
 Sonora laudum fundito Carmina,
 O digna Phœbo, & Matre Proles
 digna Caput redimire lauru.
 Hæc illa Proles, quæ sua peruigil
 Poliuit altis Corda scientijs,
 Cui lingua suadæ, cui sophorum
 Ingenium sine nube claret.
 Hæc illa Proles, cuius idonea
 Virtus Polonis crescere sedibus
 Datura quondam est æuiter nam
 Patribus & Patriæ salutem.
 Hæc illa Proles, quæ sibi largiûs
 Concessa doctæ munera Pallados
 Cunasq; Maternas, amoremq;
 Haud vacuo retinebit ore.
 Hoc esto Votum, Nostra sed interim
 Benigna Mater quod soboli Tuæ
 Omendatura es? quid iubebis
 Nos memori retinere mente?
 Dilecta Proles, Eia (ait hæc Parens)
 O cara Proles, discite discite
 DVM RES ET ÆTAS, ET SORORVM
 FILA TRIVM PATIVNTVR ATRA.

SATVRNVS

V. D. ALBERTO ZABINSKI.

MVsa Nouena faue ROSINIVS hoc tuus orat,
Dona det vt faustè, mitis Apollo faue,
Tuq; faue septenacohors, cingenda coronis,
Quas ex Empireo fert tibivena Polo.
Quæ vobis, septena cohors, sed munera reddam,
Quæq; tegent vestras laurea ferta comas,
Orbes coelestes, non laurea ferta putate,
Quos Deus ex superis mittit in ima plagis.
Neue deesse suus videatur in orbe Planeta,
Quilibet at vestris præsit vt ingenijs.
Sedule ZABINSKI tibi sint Saturnia Regna
Namq; tibi lactis Castalis vnda fauet.
Cumq; tuo sese SATVRNVS in orbe locabit
Secula tarda tibi claudus in axe vehat,
Cum quibus vt possit claudus procedere rectè,
Suppeditent illi Carmina nostra pedes.

deyante

I V P I T E R

V. D. STANISLAO KRVSICKI.

VBeravix ALMÆ suxisti grata Parentis
KRVSICKI, Aonijs quæ rumuêrevadis.
Protinus eximio cingit tua tempora ferto,
Serto prudentes impediende comas.

Vtque

Vtq; tuum proprio splendet scire sertum,
Appositum sidus dat mea vena tibi.
Nempe IOVEM tradit moderata luce nitentem,
Saturni & Martis qui moderator adest,
Ergo luce Tua Phæbæum vince nitorem,
Alma Tibi Genitrix cum Iove quando fauet.

M A R S.

V. D. ALBERTO STRAZYC.

copy library
JPsæ Tibi quamvis prospectet gratia vultu,
STRAZYC, Naturæ mitis imago Bonæ,
Attamen ignitus Tibi cedit sorte Planeta
MARS, sertum cupijt qui decorare tuum.
Nempe Tuos celeres conatus sensit in Arte,
MARS ergo voluit se sociare tibi
Sic quia non multum rutilus MARS distat ab ARTE,
Lumen vtrumq; potens Martis & Artis Habe.
Nec mirere tuo quod MARS sit vertice, restant
Namq; mouenda breui vertice bella Tibi.

S O L.

V. D. ALBERTO JEMIELSKI.

SCeptrigeræ MATRIS cum laurea munera prendis,
Cum sancti doctas fers Heliconis opes,
Aurea JEMIELSKI Te prendere crede Metalla
Quæ SOL in Terræ gignere ventre solet,
Vtque

Vtq; Tibi auratas gignat SOL vertice gazas,
Cor mundi sertum sol tegat ipse tuum.
SOL inquam CHRISTVS pulcherrima lampas Olympi
At vero ferti gemmula pulchra tui.
Sic constans post hac doctrinæ luce nitescens
In mediâ poteris nate creare dies.

V E N V S

V. D. MATTHIÆ SAIDOWIC.

Q Vi Tibi Præbe Comes fidus solet esse Planeta,
Qui Tibi ceu Regi prodromus esse solet
Hic in SAIDOVIO se serpto ponat, & auctum
Ornet non duro Marte sed Arte Caput.
Dignus adest tanto niuei splendore Planetæ,
Num bene scit Musis sacrificare suis.
Vtq; benigna VENVS, sic candidus atq; benignus
SAIDOWIC casto lumina corde gerit.
Vtq; suum roseo sequitur cum lumine SOLEM,
Iussu Virum grauium sic solet ille sequi.
Per quod gratus adest multis, & amabilis, inde
Appositum sydus dat mea MVSA Tibi.
Hoc Tibi quod sydus SORS obtulit, hæc puto causa est
Non quod amarus ades, sed quod amatus ades.

B

MERCY-

MERCVRIVS

V. D. ALBERTO KARCHVTOWIC.

VIx Tibi perspicuo steterunt in verticeserta
O KARCHVTOWIC, protinus alta capis.
Nam se MERCVRIVS mox Nuntius ipse Deorum
In sertis nitido collocat Orbe Tui
Diuite MERCVRIO gaudes, sis diues & ipse
Propter Te Turbam congregat ille boum
Gaude de bobus de tam quoq; diuite stella
Mox Tibi PARNASSVS namq; colendus erit.

LVNA

V. D. MARTINO DROBINSKI

Vltima subtilis Tibi cedit LVNA DROBINSKI
Luna crescentiscornibus ima petens.
Exprimit illa Tuis nervos sermonis acuti,
Exprimit & linguæ luce nitente sonos.
Clarus es eloquio Magni Ciceronis, & altum
Castalij fontis scis penetrare vadum.
Et quoniam in gemina SVADA Te scimus acutum,
Hoc geminum iuste Cynthiæ acumen habe,
Hic Tibi nam nullum supponam lector acumen
Vertice nam duplex Cynthiæ acumen habes.

Dupernis

re. ut. ut.

V. D. SI

V. D. SIMONI ROZYNI,

MATTHIAS SAIDOWIC eiusdem Lau-
rea Candidatus amoris ergo confert.

Fortuna opes non animum auferre potest. Seneca.

I Am nunc veloci passu ludibria calcâ
Fortuna; roseo ROZYNI flore decorus.
Quæ tibi si subito latissima porrigit ora
Crede mihi vultum posthac mutabit & altos
Inconstans apices tellurem sternet in imam.
At tua iam virtus prædulces promet odores
Fulgebitq; Tuæ longum virtutis imago
Si Iagellonios pergis prensare Corymbos
Perge igitur faustos forti tolerare labores
Pectore: Nam Mater cingit Tua tempora lauro.





Sub Felicibus Auspicijs,
Perillustris & Admodum Reuerendi Domini,
D. IACOBI VSTIENSIS
S. Th. & I. v. Doctoris ac Professoris S.
FLORIANI & SS. Omnium Præpositi
atq; Studij, Vniuersitatis
GENERALIS RECTORIS.



